


BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
Cuira, ils 25 da favrer 2022


Angelika Kauffmann. Nov en la collecziun 12-03 – 31-07-2022

A chaschun d'ina generusa donaziun d'ovras impurtantas dad Angelika Kauffmann deditgescha il Museum d'art dal Grischun a questa artista ina preschentazion da la collecziun amplifitgada.

Angelika Kauffmann (1741–1807) è stada l'artista europeica la pli impurtanta da ses temp e vegn stimada oz zunt fitg sco pictura excellenta dal temp tranter il classicissem e la romantica. Ella è naschida a Cuira, ha lavorà cunzunt en l'Italia ed en l'Engalterra ed è morta a Roma. Ella è represchentada en las collecziuns las pli impurtantas da gronds museums. En il Museum d'art dal Grischun stattan sias ovas gia daditg en moda fulminanta al cumenzament da la collecziun: L'autopurtret superbi, en il qual Angelika Kauffmann sa mussa sco artista conscientia da sasezza, è in da ses maletgs ils pli enconuschents. *Las Trais chantaduras* dattan perditga tant da l'affinitat per la musica, ch'ella ha già durant sia entira vita, sco er da sia abilitad da reproducir cuntegns cumplexs cun meds figurativs differenziads. E *Telemachos en la grotta da la Calipso* mussa en moda evidenta che Angelika Kauffmann prenda bleras da sias materias ord la litteratura e ch'ella exprima uschia fins muments psicologics.

Grazia ad ina donaziun po quest accent impurtant da la collecziun dal Museum d'art dal Grischun ussa vegnir amplifitgà ulterioramain. Sur plirs decennis ha il donatur generus, dr. Johannes Fulda da Maiavilla e da Kilchberg, cumpilà in'excellenta gruppa d'ovras ch'el surdat al Museum d'art dal Grischun e renda uschia accessibla a la publicitat. Da questa gruppa d'ovras fan part ina seconda versiun da *Telemachos en la grotta da la Calipso* (ina terza versiun sa chatta en il Metropolitan Museum a New York), dentant er pèrs da maletgs d'ina qualitat speziala e realisads en moda premurusa cun la Penelope en malencurada u cun persunificaziuns da la bellezza. Figuras ch'èn contrastadas pervia da l'amur, tutgan tar ils motivs ils pli appreziads dad Angelika Kauffmann. En preschentaziuns simbolicas ha ella chattà ina iconografia che dat la tempra a la pictura d'ina entira epoca.


Stephan Kunz, directur artistic dal Museum d'art dal Grischun:
"La vasta gruppa d'ovras dad Angelika Kauffmann vala sco in dals puncts culminants dal Museum d'art dal Grischun. Angelika Kauffmann è dentant er ina guida che mussa la direcziun en la collecziun grischuna d'art: Ella è oravant ad entiras generaziuns da quellas artistas che influeneschan oz quai che capita en l'art, e cun sia carriera fa ella ina punt da Cuira en il mund internaziunal da l'art."



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Orientaziun a las medias

Mesemna, ils 9 da mars 2022 a las 15.30

Museum d'art dal Grischun, Cuira

(Annunzias: k.gartmann@bkm.gr.ch, tel. 081 257 28 65)

Exposiziun

dals 12 da mars fin ils 31 da fanadur 2022

mardi fin dumengia, da las 10.00 fin las 17.00

gievgia, da las 10.00 fin las 20.00

Contact per las medias

Museum d'art dal Grischun, Cuira

Stephan Kunz

Directeur artistique

T +41 81 257 28 61

stephan.kunz@bkm.gr.ch